

UNTAET  
UNITED NATIONS TRANSITIONAL ADMINISTRATION IN EAST TIMOR  
Nasoens Unidas Nia Administrasaun Tranzisional Iha Timor Lorosa'e

**Gabinete Komunikasaun no Informasaun Públiku Nian**

**INFORMASAUN KONA BA**

**TRANZISAUN FALINTIL BA FORSA DEFEZA TIMOR LOROSAE**

- Iha 12 Setembru 2000, Gabinete Tranzitoria Timor Lorosae nian fo aprovasaun atu estabelese Forsa Defeza Nasional , bazeia ba opsaun ida hosi opsaun tolu maka fo sai hosi Estudus Independenti kona ba Forsa Seguransa ba Timor Lorosae, nebe Centru Estudus Defeza nian hosi King's College iha Londres maka halao iha fulan Agostu tinan liu ba.
- Forsa Defeza foun ne'e sei atu iha forsa infantaria kaman nian ida ho tropas 1,500 ho nia faze atu hetan numeru ne'e iha tinan tolu nia laran, no mos sei iha tropa rezerva hamutuk 1.500 , ho Falintil nudar nukleu ba forsa ida ne'e. Enkwadramentu forsa foun ida ne'e nian, hetan tiha ona aprovasaun hosi CNRT, Falintil no mos hosi Gabinete Tranzitoria Timor Lorosae nian. Bataliaun primeiru forsa ida ne'e, sei mai hotu hosi Falintil. Rekrutamentu ho mos prosesu seleksaun halao hotu iha 28 Janeiru 2000. Iha tiha ona seleksaun ba membrus Falintil hamutuk 650 atu integra ba iha primeira bataliaun. Rekrutamentu ba bataliaun seluk mai tan sei atu loke ba Timor oan sira hotu nebe iha ona tinan 18 ba leten, inklui feto mos.
- Fo defeza ba Timor Lorosae nia ema ho mos nia territoriu, liu hosi aksaun hapara inkursaun milisia nian no mos tahan agresan hosi agresores sira, nudar misaun Forsa Defeza ninian. Nune'e mos, Forsa Defeza sei atu fo assistensia duranti dezastre natural no mos ba emergencia sira seluk.
- Iha konferensia internasional nebe halao ho paizes doadores nain 12 iha fulan Novembru tinan liu ba, Portugal ho Australia hato'o sira nia komitmen atu sai nudar nasaun nebe maka lidera iha provizaun iniciu treinu ba futuro Forsa Defeza Timor Lorosae nian.
- Treinu ba primeiru grupu eis membrus Falintil nian maka hamutuk 250 sei atu halao iha primeira semana fulan Fevereiru iha Aileu. Treinu baziku sei halao duranti semana 12, nebe Portugal maka sei atu fo. Australia maka sei atu fo treinu especialista. Prepara bataliaun ida maka armadu ho treinadu molok Timor Lorosae hetan nia independensia, nudar objektivu treinu hirak ne'e nian.

- Forsa Defeza sei atu subordina ba autoridadi civil. Duranti mandatu UNTAET ninian, Administrador Tranzitoria sei atu iha autoridadi atu komanda ho kontrola forsa defeza, foti no mos hatun Chefe Forsa Defeza no mos foti Forsa Defeza nia oficial sira.
- Kilat Falintil nian maka oras ne'e iha, sei atu rai. Forsa Defeza maka sei atu tau matan hela, no husu bo'ot kilat hirak ne'e sei atu orna iha muzeu rezistencia nian maka sei atu hari iha tempu ikus. Kilat maka hetan hosi donativu maka sei atu uza hodi halao treinu.
- Programa Asistencia Reinsersaun Falintil nudar programa ida maka Banku Mundial ho USAID fo ajuda osan, lansa tiha ona iha fulan kotuk atu fo tulun ba eis combatentes Falintil nian maka la halo parte iha Forsa Defeza foun atu fila fali ba moris iha vida civil no mos atu halao ka hahu fali aktividade ida nebe bele halo sira suporta sira nia an rasik no mos sira nia familia. Programa ne'e Organizaesun Migrasaun Internasional maka implementa no mos UNTAET maka sei atu supervizona.
- Gabinete Dezenvolvimentu Forsa Defeza iha Administrasaun Tranzitoria Timor Lorosae nian, sei atu tau matan no mos kordena actividades tomak maka iha relasaun ho dezenvolvimentu Forsa defeza nian no mos relasaun bilateral ho tan mos relasaun multilateral.
- Forsa Manutensaun Paz Nasoens Unidas nian sei atu responsabiliza ba defeza ho seguransa ba Timor Lorosae to'o Timor Lorosae hetan ukun an. Molok Forsa Defeza Timor Lorosa'e nian iha ona pozisaun atu halao seguransa, Governu foun ho Nasoens Unidas sei negocia atu salvaguarda seguransa Timor Lorosae nian.

*Dili, 1 Feveiru 2001*